



NAFARROAKO PARLAMENTUKO

ALDIZKARI OFIZIALA

V. legegintzaldia

Iruñean, 2001eko irailaren 21ean

92 ZK.

A U R K I B I D E A

B SAILA:

Foru lege proposamenak:

- Foru Legea, Nafarroako Toki Ogasunei buruzko martxoaren 10eko 2/1995 Foru Legea aldatzen duena. Osoko Bilkurak onetsia (2. or.).
- Foru Lege proposamena, pertsona fisikoen errentaren gaineko zergari buruzko abenduaren 30eko 22/1988 Foru Legearen 55. artikuluan beste lerrokada bat (4.e) gehitzekoa. Osoko Bilkurak bazter utzia (4. or.).
- Foru Lege proposamena, Osasunbidea-Nafarroako Osasun Zerbitzuko erizaintzako langileen lanbide karreraren sistema arautzen duena. Osoko Bilkurak bazter utzia (4. or.).

E SAILA:

Jabeldurak, mozioak eta adierazpen politikoak:

- Erabakia. Horren bidez, Nafarroako Gobernua premiatzen da lanaldia murrizteari buruzko legedia bete dezan. Osoko Bilkurak onetsia (5. or.).
- Erabakia. Horren bidez, Nafarroako Gobernua premiatzen da 2001-2004ko Etxebizitza Planean sar ditzan Parlamentuak etxebizitza arloan onetsitako erabakiak. Osoko Bilkurak onetsia (6. or.).
- Mozioa. Horren bidez, Nafarroako Gobernua premiatzen da Iruñeko udal mugapean egin dezan espete berria. Osoko Bilkurak bazter utzia (6. or.).

B saila:
FORU LEGE PROPOSAMENAK

Foru Legea, Nafarroako Toki Ogasunei buruzko martxoaren 10eko 2/1995 Foru Legea aldatzen duena

OSOKO BILKURAK ONETSIA

Nafarroako Parlamentuak, 2001eko irailaren 11n egindako Osoko Bilkuran, Nafarroako Toki Ogasunei buruzko martxoaren 10eko 2/1995 Foru Legea aldatzen duen Foru Legea onetsi zuen.

Biltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2001eko irailaren 17an

Lehendakaria: José Luis Castejón Garrués

Nafarroako Toki Ogasunei buruzko martxoaren 10eko 2/1995 Foru Legea aldatzeko Foru Legea

ZIOEN AZALPENA

Nafarroako Toki Administrazioari buruzko uztailaren 2ko 6/1990 Foru Legeak 259. artikuluan xedatzen duenez, Nafarroako toki entitateek beren eskumenak erabili eta helburuak bete ditzaten, toki ogasunei behar adina baliabide emanen zaie, Toki Ogasunei buruzko Foru Legeak arauturik, Nafarroako Foru Eraentza Birrezarri eta Hobe-teari buruzko Lege Organikoaren 18.2 artikuluan aurreikusitakoaren arabera Nafarroako toki eraentzari berez dagokion gaia den aldetik.

Nafarroako Toki Ogasunei buruzko martxoaren 10eko 2/1995 Foru Legeak partaidekidetzaren printzipioa goratu du eta dirulaguntzaren ideia baztertu du; horrela, partaidetza hori egoteari buruz Konstituzioak agindutakoa betetzen da eta Nafarroako toki ogasunen fondoak duen partaidetza-izaera behin betiko indartua geratu da –fondo hori aitzindari da Espainiako autonomia egituran–. Foru Lege honen bitartez gainditu egin da toki ogasunen fondoek izan duten birbanatzaile-izaera historikoa, 1943ko urtarrilaren 10eko Legeaz geroztik, harik eta ekainaren 2ko 34/1997 Lege Dekretuaren bitartez Udal Lankidetzarako Fondo Nazionala eratu arte.

Nafarroako Toki Ogasunei buruzko martxoaren 10eko 2/1995 Foru Legearen taxuketak abiaburu ditu Nafarroako Toki Administrazioari buruzko ekainaren 2ko 6/1990 Foru Legeko zortzigarren tituluko agindua eta Nafarroako toki entitateen ogasun-baliabideak harmonizatu beharra.

Nafarroako Toki Ogasunei buruzko martxoaren 10eko 2/1995 Foru Legeko 123. artikulua zehazkiago arautzen du Nafarroako Ogasun Publikoaren tributuetako partaidetzaren norainokoa, eta udal agintaldi bakoitzaren lehen urteko azken hiruhilekoan Nafarroako Gobernuak, Toki Araubideko Foru Batzordeak txostena egin ondoren, Foru Parlamentuari arau-proiektu bat igorriko diola ezartzen du. Arau-proiektu hori kasuan kasuko ekitaldirako aurrekontu orokorreari buruzkoarekin batera igorriko du, eta toki entitateek Nafarroako zergetan parte hartzeko fondoaren zenbatekoa eta fondo hori banatzeko formula finkatuko ditu, hurrengo lau aurrekontu-ekitaldietarako, justizia eta proportzionaltasun irizpideen arabera.

Nafarroako Toki Ogasunei buruzko martxoaren 10eko 2/1995 Foru Legeko agindua betetzea ezinezkoa izan da 123.5 artikuluari dagokionez; izan ere, hauteskundeetatik sortzen diren Gobernuak ezin dute denborarik izan arazoaz jabetzeko ere, eta are gutxiago horren balizko soluzioez.

Errealitate hori agerian geratu da Nafarroako Toki Ogasunei buruzko martxoaren 10eko 2/1995 Foru Legea onetsi zenetik horretarako aukera izan den bi aldietan, 1995-1999 eta 1999-2003 hauteskunde-aldietan hain zuzen ere.

1995-1999 Legegintzaldian, 1997ko amaieran, abenduaren 30eko 23/1997 Foru Legea onetsi zen. Horren bitartez, 1998 eta 1999ko aurrekontu-ekitaldietan (bigarren hori udal agintaldiaren amaiera-urtea da) toki erakundeek Nafarroako ogasun publikoaren tributuetan parte hartzeko fondoaren zenbatekoa eta hori banatzeko formula ezarri ziren. Foru lege hori 1997ko abenduan one-

tsi zen; hau da, behar baino bi urte beranduago, Nafarroako Toki Ogasunei buruzko martxoaren 10eko 2/1995 Foru Legearen arabera.

2000ko ekitaldirako Nafarroako Aurrekontu Orokorrei buruzko abenduaren 30eko 18/1999 Foru Legeak formula denboran luzatu eta aurreko foru legean aurreikusitako dotazioa 2000. urterako gaurkotu zuen.

2000ren bukaeran, Nafarroako Gobernuak foru lege proiektu bat aurkeztu zuen, 2001-2003 epean toki ogasunek foru ogasunaren tributuetan parte hartzeko Fondoaren zenbatekoari eta hori banatzeko formulari buruz. Baina foru lege proiektu hori 1999ko azken hiruhilekoan aurkeztu beharrekoa zen.

Hori dela-eta, beharrezko deritzogu Toki Ogasunei buruzko Foru Legeko 123.5 artikulua aldatzeari, legea errealitate politikoari egokitzeko eta pragmatikoak izateko, halako moldez non legegintzaldiko bigarren urtearen lehen seihilabetekoan Nafarroako Parlamentuari hurrengo lau urteetarako arau-proiektu bat igorriko baitzaio, toki ogasunek Nafarroako zergetan parte hartzeko fondoaren zenbatekoa eta fondo hori banatzeko formula zehaztuko dituen.

Artikulu bakarra. Toki Ogasunei buruzko martxoaren 10eko 2/1995 Foru Legeko 123.5 artikulua aldatu da. Hona testu berria:

“123. artikulua

5.- Udal agintaldi bakoitzeko bigarren urteko lehen seihilabetekoan, Nafarroako Gobernuak,

Toki Araubideko Foru Batzordeak txostena egin ondoren, Nafarroako Parlamentura honako hauek bilduko dituen arau-proiektu bat bidaliko du:

a.- Toki ogasunek Nafarroako zergetan parte hartzeko fondoaren zenbatekoa hurrengo lau aurrekontu-ekitaldietan zein izanen den.

b.- Udal agintaldiaren hurrengo lau urteetarako zein izanen den aipaturiko Fondoa banatzeko formula, artikuluko honetako 3. zenbakiak adierazitako irizpide orokorren arabera”.

Xedapen iragankorra

2002, 2003 eta 2004rako, salbuespen gisa, berriazko arau-proiektu bat izapidatuko da, toki ogasunek Nafarroako tributuetan parte hartzeko Fondoari eta toki ogasunen Fondoa 2002, 2003 eta 2004an banatzeko formulari dagokienez.

Xedapen indargabetzailea

Indarrrik gabe uzten dira foru lege honetan ezarritakoari aurka egiten dioten maila bereko edo apalagoko xedapen guztiak.

Azken xedapenak

Lehena. Esku ematen zaio Nafarroako Gobernuari foru lege hau garatzeko behar diren arau guztiak eman ditzan.

Bigarrena. Foru lege honek indarra hartuko du Nafarroako Aldizkari Ofizialean argitaratu eta biharamunean.

Foru Lege proposamena, pertsona fisikoen errentaren gaineko zergari buruzko abenduaren 30eko 22/1988 Foru Legearen 55. artikuluan beste lerrokada bat (4.e) gehitzekoa

OSOKO BILKURAK BAZTER UTZIA

Biltzarrak, 2001eko irailaren 11n egindako Osoko Bilkuran, Batasuna Parlamentuko Taldeak aurkeztutako pertsona fisikoen errentaren gaineko zergari buruzko abenduaren 30eko 22/1988 Foru Legearen 55. artikuluan beste lerrokada bat (4.e) gehitzeko Foru Lege proposamena bazter uztea erabaki zuen.

Proposamen hori 2001eko maiatzaren 15eko 51. Nafarroako Parlamentuko Aldizkari Ofizialean argitaratu zen.

Iruñean, 2001eko irailaren 17an

Lehendakaria: José Luis Castejón Garrués

Foru Lege proposamena, Osasunbidea-Nafarroako Osasun Zerbitzuko erizaintzako langileen lanbide karreraren sistema arautzen duena

OSOKO BILKURAK BAZTER UTZIA

Biltzarrak, 2001eko irailaren 11n egindako Osoko Bilkuran, Nafarroako Demokraten Elkargunea Parlamentuko Taldeak aurkeztutako Osasunbidea-Nafarroako Osasun Zerbitzuko erizaintzako langileen lanbide karreraren sistema arautzen duen Foru Lege proposamena bazter uztea erabaki zuen.

Proposamen hori 2001eko maiatzaren 22ko 53. Nafarroako Parlamentuko Aldizkari Ofizialean argitaratu zen.

Iruñean, 2001eko irailaren 17an

Lehendakaria: José Luis Castejón Garrués

E saila:
JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Nafarroako Gobernua premiatzen da lanaldia murrizteari buruzko legedia bete dezan

OSOKO BILKURAK ONETSIA

Osoko Bilkurak, 2001eko irailaren 11n egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da lanaldia murrizteari buruzko legedia bete dezan".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko irailaren 17an

Lehendakaria: José Luis Castejón Garrués

Erabakia. Horren bidez, Nafarroako Gobernua premiatzen da lanaldia murrizteari buruzko legedia bete dezan

Nafarroako Parlamentuko Osoko Bilkurak Nafarroako Gobernua premiatzen du lanaldia murrizteko betebeharrak berehalakoan bete ditzan abenduaren 29ko 15/2000 Foru Legearen esparruan, hark indarra hartu zuen unera, alegia, 2000ko urtarrilaren 1era eramanik ondorioak, murrizketa horrek kalterik ekarri gabe enpresa bakoitzean kontratu edo hitzarmenaren arloan indarra duen araudian ageri diren eskubideen eduki orokorrari.

Nafarroako Parlamentuaren Osoko Bilkurak Nafarroako Gobernua premiatzen du aurreko puntuan ageri diren betebeharrak bete ditzan bai administrazioaren edo erakunde autonomoen partaidetza nagusia duten enpresetan bai enpresaren administrazio, zuzendaritza edo zaintzako organo-
etako kideen erdia baino gehiago izendatzea administrazioaren esku dagoen fundazio edo entitate baliokideetan eta horien menpeko enpresetan.

Erabakia. Horren bidez, Nafarroako Gobernua premiatzen da 2001-2004ko Etxebizitza Planean sar ditzan Parlamentuak etxebizitza arloan onetsitako erabakiak

OSOKO BILKURAK ONETSIA

Osoko Bilkurak, 2001eko irailaren 11n egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da 2001-2004ko Etxebizitza Planean sar ditzan Parlamentuak etxebizitza arloan onetsitako erabakiak".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko irailaren 17an

Lehendakaria: José Luis Castejón Garrués

Erabakia. Horren bidez, Nafarroako Gobernua premiatzen da 2001-2004ko Etxebizitza Planean sar ditzan Parlamentuak etxebizitza arloan onetsitako erabakiak

Nafarroako Parlamentuak Nafarroako Gobernua premiatzen du, berriz ere, 2001-2004rako etxebizitza plana igor dezan Nafarroako Parlamentura, honek bere iritzia eman dezan, eta Nafarroako Foru Komunitatean etxebizitzaren arloan daukagun arazo larriari aurre egiteko plan horrek balio dezan ezinbestekoak diren ekarpenak erantsi ahal izateko.

Mozioa. Horren bidez, Nafarroako Gobernua premiatzen da Iruñeko udal mugapean egin dezan espetxe berria

OSOKO BILKURAK BAZTER UTZIA

Batasuna Parlamentuko Taldeak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da Iruñeko udal mugapean egin dezan espetxe berria".

Biltzarreko Osoko Bilkurak, 2001eko irailaren 11n egindako bileran, aurkeztutako mozioa baz-

tertu zuen. Mozio hori 2001eko uztailaren 17ko 76. Nafarroako Parlamentuko Aldizkari Ofizialean argitaratu zen.

Iruñean, 2001eko irailaren 17an

Lehendakaria: José Luis Castejón Garrués

HARPIDETZAREN PREZIOA ALDIZKARI OFIZIALA ETA BILKURA EGUNKARIA Urte bat..... 6.300 pta. Aldizkari Ofizialaren aleko prezioa..... 150 » . Bilkura Egunkariaren aleko prezioa..... 185 » .	IDAZLARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Arrieta 12, 3 31002 IRUÑA
--	--